



**Venerabilem Memoriam Beatissime in Domino defuncti Viri Incomparabilis
Theologi Doctoris Et Professoris Prim. Tot abhinc annis Undiquaque Celeberrimi
Dn. Augusti Varenii, Totius Universitatis Senioris Consistorii Ducum
Directoris fulgidissimi**


Rostochii: Weplingius, 1684

<http://purl.uni-rostock.de/rosdok/ppn777160773>

Druck Freier  Zugang







VENERABILEM MEMORIAM

Beatissime in Domino defuncti

VIRI INCOMPARABILIS

THEOLOGI DOCTORIS ET PROFESSORIS PRIM.
Tot abhinc annis

Undiquaque Celeberrimi

DN. AUGUSTI
VARENII,

Totius UNIVERSITATIS SENIORIS Gravif-
simi, Meritissimi.

CONSISTORII DUCUM DIRECTORIS
fulgidissimi

*D. X. Aprilis conditorio suo
solemnissime illati
luctuosè reolebant*

Dn. Professores Verbi
Divini Ministri, & Amici.


ROSTOCHII, Typis JOHANNIS WEPLINGII,
Univers. Typogr. ANNO MDC LXX XIV. d. X. April.

VARENUS moritur, MAGNUM Decus, incli-
ta cuius
Fama per ora VIRUM nō moribunda volat.
O luctus & lacrumis longe dignissima fata,
O Funus tristi corda dolore premens!

VARENUS moritur plorat! quicumque revoluit,
Quanta Hōc dispereant hinc abeunte VIRO,
Sed moritur, DOMINO sic disponente! recedit
Optat aut valeant membra quōdiete frui.
Ergo absint fletus! redeant solatia Mæstis!

VARENII Nomen dum viget orbis, erit.

fer. in honorem Consumatiss. nunc Beatiss. THEO-
LOGI festinante calamo

GOTTLOB FRIDERICUS Seligmann

P. P. Archidiac. Templ. Cathedr. Facult. Phil. Decan.
ap. Lipsiens. adhuc Ducal. Collegiat. & Aca-
dem. Rosæ h. t. RECTOR.

Vi nunc singultus, quænam mihi
verba supersunt,
Ut plorem tantifata suprema viri?
Imbuimus lacrimis urnas jam sæpe
minores,
Senserunt gemitus vulnera parva
tuos.

Hic superat fletum dolor atque pœleos artem,
Abruptus tacito spiritus ore stupet.
Ante cothurnatas quæsiuit hyperbola voces,
Nunc vox in vero digna dolore deest.

San-

Sancte Senex, detur torpenti gratia venæ,
Quod nequeat busto solvere iusta tuo.
Cantabit te fama loqvax sine carmine nostro,
Et vivum in terâ posteritate dabit.
Quamque diu stabit nostra hæc Academia, laurus
Æternas tumuli gloria viva feret.

Supremo honori Celeberrimi Theologi posuit

L. C. SCHOMERUS, D.

PUlvare sædatos *ACADÉMIA* solve Capillos,
Mœnia proh! *ROSEI* quæ colis arma soli.
VARENII cecidit, Vir Magnus, voce Professora
Urbis honos, Aulæ gloria, Fama Scholæ.
Dilectum summo caput acceptumque Tonanti,
Quem coluit mentis religione pia:
Et Musis carum. Te Te nunc orba requirit
Varniaca studiis, dulcis *AMICE*, ducem.
Heu! quæ Lingua silet, postquam te Fata tulerunt,
Cercopiæ suadant vocis & *Auloniæ*!
Talem te Moderatorem deserta juvenus
Nunc gemit amissum, nunc revocatque gemens.
Non te Parca rapit Mundo, sed durior ipse
Te *DEVS* incumbens surripit ante malum.
Nec Tumulo recubas sub opaco tegmine totus.
Sed potiore tui parte superstes agis.
Vivit Honos, viventque tui monumenta laboris
Dum frondes *Helicon*, Varnus aquasque vehet.

Debite condolentiæ attestanda Ergo

l. m. q. scripsit.

JOANNES BACMEISTERUS, D.

Med. & sup Math, Prof, P. Facult. Med. Senior.

ET Te Busta manent AUGUSTUM angusta,
 VARENI,
 Parvaq; MAGNIFICUM vah! capit urna CAPUT!
 Hæccine *Tantum* sunt præmia digna *Laborum*?
 Hæccine *Virtutis* sunt rata fata *Tua*?
 Hinc meritò *Tantum* miramur *Lumen* ademtum,
 Errantesq; faces hæc superesse diu;
 Ast quid multa? solo sunt hæc incommoda semper,
 Sors autem melior stat superatq; polo:
 Onimiùm Dilecte Deo *Venerande* VARENI
 TE quoq; nunc cœli gaudia mille beant;
 Perpetuæ terris superest *Tua* gloria famæ,
 Dignus es æternumq; *ROSA* NOSTRA colat!
 Vos autem intereâ veluti mœrore sepultos
 Excitet omnipotens erigat atque DEVS.

Hæc pauca adjecit.

JOHAN. JOACHIM Zietse/ J.U.L.

INcanum, nostri decus ordinis Incanum alme VARENI,
 Grande tuum nobis subtrahis ergo jubar?
 Quantum *VIR MERITIS ANNISQ;* GRAVISSIME lumen,
 Quàm trepidantis eras firma columna *ROSÆ*;
 Nunc *Tua* ferali *Lux* obnubenda thestro
 Occidit, & furvo schemate tristis hebet.
 Ingemit ob tantam lugens *ACADEMIA* cladem

Et

*Et SENIORE Juo proh dolor? orba staret,
Tu frueris meliore loco post tædia Vita,
Non sentis, quæ nos anxia cura premat.
Stant memori mandata ROSÆ TUA FULGIDA FACTA,
Nec Tuus est nobis interiturus HONOS.*

Ita THEOLOGI consummatissimi, SENIORIS gravissimi,
FAUTORIS Et COLLEGÆ honoratissimi
æstimatissimiqve inopinatum beatissimum
tamen obitum luget.

M. CHRISTIANUS HILTEBRANDT
Prof. Ducal. Ord. Publ.

Indue lugubrem mærens Academia pallam,
Accipe feræles funereasqve faces!
Cinge dolorificis tua pulpita tristia raxis,
Orchestras pullum syrma tegatqve tuas.
Dum SENIOR tuus almus obit, dum cana VARENI
Frons tibi surripitur, dexteritasqve Viri.
Hoc funus celebrato tuum, tua conditur urna
FAX AVGUSTA, jubar quæ tibi dulce dedit,
Quæ primos serosqve tibi libaverat annos,
Insenuitqve tuo non sine laude bono.
Vir erat iste tuæ mora depulsorqve ruinæ,
Sidus honoratum, destina, lumen, Atlas,
Flos patrum demesse jaces, jacer & tua tecum
Insignis gravitas magnificumque decus,

Ven-

X 3

Venturo talis vix, credo, VARENIUS ævo
Exurget, curâ iudicioque pari.
Urna tegit quodcunque potest, tua gloria vivax
Perstat honorato salva futura loco.
Ampla tuæ laudis vel me reticente supersunt,
Quæ quivis etiam scit monumenta, bonus.
Magnificabuntur, serâque coronide famæ
Hæc documenta tui macta laboris erunt,
Promeritæque dabit matura telesphora laudis
Posteritas tanto grata futura viro.
Pectoris ac animi si flamma refrixerit, ignes
Frigidus accendet, qui tegit ossa, lapis:
Ut, quoties nomen legitur prælustre VARENI,
Augusti tumuli marmora fama canat.

ENOCHUS SVANTENIUS, P.P.

Sic magnum Varni lumen sua lumina claudit,
Atque Professorum tollitur, ecce, caput!
AUGUSTUS NOSTER docto celeberrimus orbi!
VARENIUS rosei gloria prima chori!
Ah! splendendo aliis hæc lux consumitur ipsa,
In fumum, fumos pellere docta, ruit!
Impiger AUGUSTUS semper satagensque laborum
Expiret donec, subque labore cadat.
Nam licet in fesso languescant corpore vires,
Ad Xystum Vectus, disputat atque docet.

Mi-

Mirantur foras sancta Virum componere Leges;
Qui mox componat pallida membraneci.
Magnus qui vixit, moritur sic magnus is idem.
VARENIUS vel sic Cæsaris instar obit.
Vitam si stantem deponere Cæsarem oportet,
Hic ferè VARENIUS stansque docensque cadit.
Vah! Caput egregium, mens celsa, ah! vivida virtus,
Ingenium rarum, Flumen & eloqvii!
Dulcis amor JOVÆ, Doctrinæ firma columna,
Clementisque Ducis nobile Delicium!
Heu! quantas nobis, VARENI, præripis artes,
Dona quot in tumulo contumulata tuo!
O caput AUGUSTUM toties bis vivere dignum!
Nec nunc tam ANGUSTO condier in loculo!
Sed quia vult Dominus te angusto calle receptum.
Splendidi in Augusta sede locare poli:
Grator, & Augustæ domui solamina Dia
Apprecor, & nobis: tale DECUS redeat!

M. JOHANNES MAURICIUS POLZIUS
ad S. Johannis V. D. M.


Summe Vir, ætherei pignus venerabile regni,
Ardalidum Prætes, Relligionis apex,
Cujus ad Arctoum pridem sese extulit axem,
Celari virtus nescia, fama mori:
Quò ruis, ô nostri subar immortale Lycei,
Divinas animi quò citus abdis opes?


Vindi-

Vindice quo magnis Ecclesia floruit ausis,
Sustulit & Sacrum quo præeunte caput;
Qui decimis Palinurus à quis summusque Palæmon
Hic fueras, tristi funere merfus obis?
Qui creperis consulta dabas prosperrima rebus,
Nunc heu! cælo sic moderante files.
Nempe ita supremo placuit nos plectere Jovæ,
Dirigit is nutu tristia fata suo.
Ille dedit tantum seclis melioribus orbi;
Nunc repetit, damno sed graviore, Virum,
Hoc unum ingenti præbet fomenta dolori,
Quod meliore sui parte superstes ovat.
Vixit adhuc puris admistus Spiritus astris
Et capit æthereæ gaudia mille domus,
Perstat & æternum terris memorabile nomen,
Doctaque quæsitum per monumenta decus.

*Theologo incomparabili deque universæ Christi
Ecclesiæ immortaliter merito, nunc in calis
æternum triumphanti, Patrono meo & Præ-
ceptorum post fata quoque observantissimè co-
lendo scrib.*

M. J. C. ROSTEVSCHEVVS,
Gedan.





Universitäts
Bibliothek
Rostock

http://purl.uni-rostock.de/rostdok/ppn777160773/phys_0012

DFG

PERSONALIA.

derlich aber deßhalben berühmt gewesen
von andern Königen/Chur-Fürsten /
Städten / zum Theil in ihre Universita-
anzurichten oder besser zubestellen / zu
re Kirchen und Schulen zu reformir-
ordnen (wie denn in Oesterreich und in
Marek geschehen) begehret / auch selbst
Höchstlöblichen Kaiser Maximiliano de
des Namens / wie die noch verhanden
Beruffs-Briefe bezeugen / nach Wien in
der Reformation und anderer hohen
ber beruffen und mit Kayserl. Gaben all-
beehret worden.

Die Elter Mutter Mütterl. Seiten
die Ehr- und Tugendreiche Frau
Smedes / des Wohl-Ehrenbesten /
bahren und Wohlweissen / Herrn LA
Smedes / Hoch-verdienten Rahts
dieser Stadt eheleibliche Tochter.

Von diesen vornehmen Eltern und
ist der numehro Hoch-seelige Herr Doc-
ren und bald darauff Geistlich in der H.
der geböhren / und nach dem damahlig
Fürsten und Herrn / Herrn AUGUST
gen zu Braunschweig und Lüneburg et

ⓐ

